



Centar za
istraživačko novinarstvo

**Godišnji
izvještaj** | **2025.**

DONATORI



Kingdom of the Netherlands



Skupština

Aida Čerkez, predsjednica
Mehmed Halilović
Edward Ferguson
Bodo Weber
Tanja Topić

Direktorica

Leila Bičakčić

Uredništvo

Aladin Abdagić, glavni i odgovorni urednik
Mirjana Popović, zamjenica urednika

Redakcija

Azhar Kalamujić, Renata Radić-Dragić, Milena Mitrović,
Ibro Čavčić, Adna Zilić, Dženita Lutvić, Ema Maslo, Teo Zorić

Provjera činjenica

Jasna Fetahović Subašić

Producent

Mubarek Asani

Fotograf i kamerman

Dženat Dreković, Nedim Agić

Grafički dizajner, ilustrator i animator

Željko Todorović

Urednik društvenih mreža

Adnan Čomor

Prevoditeljica

Lejla Efendić

Lektorica

Razija Šahinović

Administracija

Aleksandra Zelić, finansijska menadžerica
Damir Salihbašić, office menadžer

Adresa

Centar za istraživačko novinarstvo
Gabriele Moreno Locatelli 11
71000 Sarajevo, BiH

Tel: +387 33 560 040

Fax: +387 33 560 045

E-mail: info@cin.ba

Web: cin.ba



3

presude



4

optužnice



6

smjena/sankcija



1

izmjena propisa i praksi



I Šta smo uradili u 2025?

CIN je u 2025. godini istraživao: privredni i organizovani kriminal, zloupotrebe javnog novca, pranje novca, korupciju u pravosuđu i zdravstvu, prevare građana, ekološke teme, zloupotrebe javnih funkcija te imovinu političara, sudija i tužilaca.

Iz godine u godinu policijske i pravosudne institucije su provjeravale navode iz naših tekstova. Pojedina istraživanja su rezultirala optužnicama ili zatvorskim kaznama. Institucije su mijenjale pravila i prakse nakon objavljivanja naših priča i sankcionisale aktere nakon što su novinari razotkrivali njihove zloupotrebe.



"Nisam znao o čemu se radi i onda smo mi preko Googlea proverili ko je, ustvari, Radoje Živković i otkrili smo da je, ustvari, ubica, kriminalac."

Andrej Jović
žrtva

„Svjetske ubice naoružane pasošima Bosne i Hercegovine“

Novinari CIN-a su otkrili kako **najokorjeliji egzekutori narkomafije koriste pasoše BiH kada odlaze u ubilačke akcije**. Ubice su koristile identitete bh. građana zbog čega pokradeni građani stalno trpe neugodnosti na granicama.

Uz ovu priču CIN je objavio i bazu u kojoj javnost može pronaći podatke o najmanje **60 članova Kavačkog, Škaljarskog, Šarićevog i klana „Amerika“** kao i drugih kriminalnih organizacija iz Srbije, Crne Gore, Bugarske, Hrvatske i Slovenije čiji su članovi putovali širom svijeta sa pasošima BiH.

Nakon CIN-ove priče Vlada Velike Britanije je **sankcionisala kradljivce identiteta građana BiH**, uvrstivši ih na Britansku listu krijumčara.



60

ukradenih identiteta
bh. građana



Vlada Velike Britanije
kradljivce identiteta
uvrstila na **Britansku
listu krijumčara**



473.000

pregleda na CIN-ovom
YouTube kanalu



Prva nagrada EU za
istraživačko novinarstvo
u Bosni i Hercegovini

Treća nagrada EU za
istraživačko novinarstvo
u Bosni i Hercegovini

Godišnja nagrada
Društva novinara
Bosne i Hercegovine
„Novinar godine za 2024“



I Nagrade i priznanja

CIN je u 2025. godini dobio tri nagrade za istraživačko novinarstvo:

Nagrađen je dokumentarac o nestaloj banjalučkoj bebi Sari – **Gdje je Sara?**

Nagrađena je priča o zagađenju zeničkih naselja proizvodnjom čelika u „ArcelorMittalu Zenica“ i kršenju mjera iz okolišne dozvole ove kompanije – **Čelična rana Zenice**

Još jednu nagradu dobio je dokumentarac o nestaloj banjalučkoj bebi Sari – **Gdje je Sara?**



U motelu „**Alibey**”
popijeno je 90 alkoholnih
pića i oko 3,5 litara vina.

Ministar je trošak opravdao
zabilješkom u kojoj piše da
je bio na sastanku s **11**
predstavnika **udruženja**.

No, većina njih je
novinarima rekla da
taj dan **nisu bili**
sa ministrom.

„Funkcionerske povlastice: ručkovi bez pokrića, računi bez stida”

Novinari CIN-a su otkrili da je **skoro svaka deseta marka, potrošena za radne sastanke, ručkove i večere državnih funkcionera** u koju su novinari CIN-a imali uvid – potrošena na alkohol.

Devet državnih ministarstava, Generalni sekretarijat i Ured predsjedavajućeg Vijeća ministara Bosne i Hercegovine su od 2018. do 2024. godine **potrošili 7,14 miliona KM javnog novca na reprezentacije**.

Ovakvo trošenje nije zabranjeno, ali ga revizori smatraju neprimjerenim i godinama preporučuju jasnija pravila utroška. **Bez obzira na preporuke, promjena nema.**



7,14 miliona KM

11 državnih institucija
za 6 godina potrošilo
na reprezentacije



od 578 hiljada KM

u koje su novinari imali uvid
svaka deseta marka potrošena
na alkohol

**900 KM**

novčana kazna

**456,30 KM**

nadoknada štete

**320 KM**

troškovi postupka


Sudska presuda zbog napada na novinarku i snimatelja CIN-a

Osnovni sud Brčko distrikta BiH osudio je **Goju Bogičević** iz Brčkog na novčanu kaznu zbog napada na snimatelja i novinarku CIN-a.

Novinarka Renata Radić-Dragić i snimatelj Džemat Drešković su krajem februara 2025. godine radili na priči o **brčanskom političaru i biznismenu Zoranu Kokanoviću**, vlasniku stambenih i poslovnih objekata te kladionica.

Prilikom snimanja jednog od objekata u brčanskom naselju Ilička iz zgrade je izašla grupa ljudi u kojoj su bili Goja Bogičević i članovi njene porodice.

Uz povike, zabranjivali su snimanje njihovog objekta. Iako su se novinari predstavili i pokušali objasniti šta snimaju i zbog čega, Bogičevići nisu htjeli razgovarati, već su ih fizički napali.



"Kombinacija njihovog neznanja i pohlepe je strašna i pogubna za pacijente. To je krivično djelo."

Amela Karabeg

specijalista plastično-rekonstruktivne i estetske hirurgije

I „Mračna strana tretmana za ljepotu“

Novinari CIN-a otkrivaju kako je **tržište u BiH preplavljeno ne-registrovanim ilegalno uvezenim preparatima** za estetske tretmane.

Razni botoksi, fileri i serum i lako se naručuju preko interneta. Koriste ih ljekari, frizeri i kozmetičari za tretmane po pristupačnim cijenama u nelicenciranim privatnim ordinacijama i neadekvatnim medicinskim uslovima salona za ljepotu i privatnih stanova.

Pojedini nude i brze polusatne edukacije na pacijentima modelima koji tako dobijaju još jeftiniji tretman, a polaznici upitne certifikate.

Istraživanje je pokazalo da bh. **institucije ne ulažu mnogo napora u zaustavljanje crnog tržišta ove rastuće industrije.**



osobe bez medicinske
kvalifikacije



neregistrovane prostorije



upotreba ilegalno
nabavljenih proizvoda



nema računa
niti odgovornosti



PODRŽITE NAS

Donirajte CIN-u i pomozite novoj generaciji novinara da nastavi tradiciju izvrsnog istraživačkog novinarstva u ime vas – u ime javnosti.



23.400
pretplatnika

na CIN-ovom YT kanalu

I CIN i čitaoci

Svake godine sve više građanki i građana čitaju naše sadržaje na društvenim mrežama. U 2025. godini smo našim pratiocima uz priče ponudili **mnogo više video i grafičkih sadržaja**. Broj pratilaca prirodnim dosegom na pojedinim društvenim mrežama svake godine raste.

Hvala na povjerenju! CIN tim

107.000

čitalaca prati CIN na
Facebooku

13.300

čitalaca prati CIN
na **TikToku**

9.600

čitalaca prati CIN
na **Instagramu**



" Mi smo to potpisivali zato što je Vlada tako odlučila u namjeri da ovom koncesionaru omogući – pomognemo da dođe u fazu da može da izgradi taj objekat. "

Petar Đokić
ministar energetike i rudarstva
RS-a iz Socijalističke partije

„Sardarove koncesije za izvlačenje budžetskog novca“

Vlada RS-a je dodijelila Rusu **Rašidu Sardarovu** koncesije za gradnju i korištenje energetskih objekata, uz naknade od **oko 8,5 miliona KM**.

Desetak godina kasnije objekte nije izgradio, a Vlada RS-a, koju čine predstavnici Saveza nezavisnih socijaldemokrata (SNSD) **Milorad Dodik** i njihovi koalicioni partneri, spremna mu je dati **309,2 miliona KM** za koncesiona prava.

Dokumenti u posjedu CIN-a pokazuju da je to **više od stvarne vrijednosti za najmanje 32,5 miliona KM**.



8,5 miliona KM
za 6 koncesija



**neispunjene obaveze iz
koncesionog ugovora**



309,2 miliona KM
Vlada RS-a spremna dati
ruskom biznismenu za kupovinu
koncesionih prava



Nakon što je objavljena priča **Šefica i njeni „crnokošuljaši“ za iznude** Tužilaštvo BiH je podiglo optužnicu protiv inspektora UIOBiH, a Sud BiH ju je potvrdio u martu 2025. godine. Optužnica je podignuta jer su ucjenjivali vlasnike trgovina koje su zatjecali u prekršajima, traživši im novac.

Nakon što je objavljena priča **Milioner iz Skakave Donje** novčanom kaznom od 2.000 KM kažnjen je Ivo Filipović, dopredsjednik Skupštine Brčko distrikta, zbog netačnog i nepotpunog popunjavanja imovinskog kartona.

Nakon što je objavljena priča **Direktor Akademije na neslužbenom putu**, Općinski sud u Sarajevu potvrdio je optužnicu protiv bivšeg direktora Policijske akademije u Sarajevu Damira Veje zbog zloupotrebe službenog automobila.

Nakon što je objavljena priča **Svjetske ubice naoružane pasošima Bosne i Hercegovine** Vlada Velike Britanije je na listu sankcionisanih osoba zbog ilegalnih prelazaka granica uvrstila članove Kavačkog i Škaljarskog klana iz Crne Gore i Srbije te osobe koje su im pomogle da dobiju krivotvorene pasoše BiH.

Nakon što je objavljena priča **Nazovi Bega radi parkinga** Tužilaštvo BiH je podiglo optužnicu protiv Elmedina Karišika, vlasnika preduzeća „Plaza Group“, i Seida Hadžibajrića, sina bivšeg načelnika Općine Stari Grad u Sarajevu, te još deset osoba zbog pranja novca zarađenog u trgovini drogom.

Nakon što je objavljena priča **Brčanski grantovi prijateljima i glasačima** Osnovni sud Brčko distrikta BiH nepravomoćno je osudio Aliju Denjagića, brčanskog zastupnika, na 11 mjeseci zatvora zbog zloupotrebe položaja u vezi sa dodjelom grantova.



"Platio bez kredita. Kupio regularno, kupio od primanja. Imam platu. Sve sam platio regularno preko banke gdje primam platu."

Nenad Nešić
za N1 televiziju 2023. godine

„Slani trag na imovini Nenada Nešića“

Novinari CIN-a otkrivaju da je Nenad Nešić, predsjednik DNS-a i bivši ministar sigurnosti BiH, **prikrio institucijama polovinu nekretnina koje ima sa suprugom** u BiH, Srbiji i Crnoj Gori.

Penthaus i dva garažna mjesta Nešić je platio kešom više od 625.000 KM. Sa suprugom Majom je kupio još stan i garažu u Budvi u Crnoj Gori te dio kuće sa dvorištem u Sarajevu za skoro 450.000 maraka. Supružnici Nešić su vlasnici još tri stana i garaže u Novom Sadu u Srbiji te dijela kuće sa zemljištem u Istočnom Sarajevu.

Njegovo rukovođenje JP „Putevi Republike Srpske“ predmet je rada Tužilaštva BiH više od pet godina. Sumnja se da je od 2016. do 2020. na ovoj poziciji prao novac, primao mito i zloupotrijebivši položaj ostvario finansijsku korist od oko milion maraka.



12 nekretnina
višemilionske vrijednosti

6 nekretnina
Crna Gora



4 nekretnine
Srbija



2 nekretnine
Bosna i Hercegovina



6 neprijavljenih nekretnina

" Ako neko proda službeno auto pa zatim opet pobijedi na tenderu kad je riječ o održavanju i nakon toga ponovo otkupi ta ista vozila pa proda nova, to je već upitno koliko je to sve u skladu sa zakonom. "

Dževad Nekić

bivši generalni revizor Ureda za reviziju institucija FBiH



(2012-2013)
za 484.187 KM
automobili kupljeni u firmi M.R.M.

(august 2022-juni 2023)
za 27.449 KM
automobili servisirani u firmi M.R.M.

(august 2023)
za 36.000 KM
automobili prodani firmi M.R.M.

(2023)
za 530.000 KM
kupljeni novi automobili od firme M.R.M.

„Savršen krug dlera državnih limuzina“

Novinari CIN-a otkrivaju da **Vijeće ministara BiH u proteklih 13 godina nije provelo nijedan tender za nabavku i servisiranje vozila** u kojem posao nije dobila firma „M.R.M. export-import“ iz Ljubuškog.

Ova firma je kasnije otkupila neke od tih automobila ispod tržišne cijene.

Iste godine kada je ova firma otkupila automobile, **Vijeće ministara BiH kupuje pet novih od „M.R.M. export-import“ za skoro 530.000 KM.**

Sekretarijat je u ovom tenderu detaljno precizirao tehničke karakteristike traženih vozila i rok isporuke od mjesec dana.

Subscribe

I VIDEOPRIČE

Produkcija CIN-a je uradila desetine videopriča koje prate istraživanja novinara i pomažu čitaocima i gledaocima da lakše razumiju činjenice i kontekst važnih događaja.

Video je naročito važan za korisnike interneta koji vole biti informisati o važnim temama putem različitih videoformi.

CIN-ov tim pokušava na ovaj način objaviti što više istraživanja i u formi videopriča koje su vremenom postale nezaobilazan dio našeg repertoara.

Čitaoci videopriče mogu pronaći na CIN-ovom YouTube kanalu.

*Najgledanije videopriče iz
2025. godine na CIN-ovom
YouTube kanalu:*

1. *Svjetske ubice naoružane
pasošima BiH*
2. *Slani trag na imovini
Nenada Nešića*
3. *Krađa identiteta u BiH –
kad pasoš pocrveni*
4. *Imovina krajiškog Tigra:
od kamiona do miliona*
5. *Savršen krug dilera
državnih limuzina*

IMOVINA POLITIČARA

IMOVINA SUDIJA I
TUŽILACAFINANSIRANJE
BORAČKIH UDRUŽENJA

POTICAJI

BIJELI HLJEB


DISCIPLINSKE KAZNE
PROTIV SUDIJA I
TUŽILACAZAŠTIĆENA PODRUČJA
U BOSNI I HERCEGOVINIZARADE ADVOKATA PO
SLUŽBENOJ DUŽNOSTI

POMILOVANJA

JAVNE NABAVKE

BUDŽETSKE REZERVE

...



CIN-ove baze podataka - izvor informacija

CIN svake godine objavljuje baze podataka koje sadrže hiljade provjerenih informacija i autentičnih dokumenata koje institucije nastoje sakriti od javnosti.

One omogućavaju građankama i građanima da se brzo informišu o različitim oblastima, ali i da dođu do podataka kojima često nemaju pristup.

CIN je prvu bazu objavio 2009. godine kada su novinari CIN-a prikupili i analizirali podatke o isplatama naknada za komisijski rad u 41 instituciji na nivou BiH.

Većina sadrži podatke iz perioda u kojem su prikupljeni, a neke od njih redovno ažuriramo, poput baza o imovini političara te sudija i tužilaca.



Centar za
istraživačko novinarstvo

**Godišnji
izvještaj** | **2025.**